



Broj: 01/01-2762/22-2022
Sarajevo, 28.10.2022. godine

Na osnovu člana 28. , člana 64. stav (1) tačka b), člana 70. stav (1), (3). i (6) Zakona o javnim nabavkama („Sl. glasnik BiH“, broj 39/14), na Preporuku Komisije za javnu nabavku broj: 01/01-2762/21-2022 od 28.10.2022. godine u pregovaračkom postupku bez objave obavještenja o nabavci za robu LABORATORIJSKI NAMJEŠTAJ, Dekan Univerziteta u Sarajevu Prirodno-matematičkog fakulteta donosi

ODLUKU

o izboru najpovoljnijeg ponuđača

Član 1.

Prihvata se Preporuka Komisije za javnu nabavku, broj: 01/01-2762/21-2022 od 28.10.2022. godine da se u pregovaračkom postupku bez objave obavještenja o nabavci sa jednim ponuđačem za nabavku roba: *Laboratorijski namještaj* zaključi Ugovor sa ponuđačem **DIJAL-„M“ d.o.o. Sarajevo, Zagrebačka 24/PR, 71000 Sarajevo**, prema **konačnoj ponudi** dostavljenoj dana 28.10.2022. god., čija **ukupna cijena ponude iznosi 209.033,00 KM bez PDV-a**, kao najbolje ocijenjenom ponuđaču.

Član 2.

uzimajući u obzir da je izabrani ponuđač već u sklopu ponude u I fazi pretkvalifikacije dostavio dokaze o ispunjenosti uslova iz člana 45. stav (1) tačka a) do d) Zakona o javnim nabavkama („Sl. glasnik BiH“, broj 39/14), u skladu sa tačkom 4. FAZA br. 1 – **PRETKVALIFIKACIJA** tenderske dokumentacije *oslobađa se obaveze naknadnog dostavljanja istih*.

Član 3.

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

Član 4.

Ova odluka objavit će se na web-stranici www.pmf.unsa.ba istovremeno sa upućivanjem ponuđaču kojem je upućen Poziv za dostavljanje zahtjeva za učešće u postupku javne nabavke u skladu sa članom 70. stav (6) Zakona o javnim nabavkama BiH.

Obrazloženje

Na osnovu Odluke o pokretanju postupka javne nabavke, broj: 01/01-2762/3-2022 od 18.10.2022. godine, a u skladu sa Odlukom Upravnog odbora Univerziteta u Sarajevu o izmjeni/dopuni Plana javnih nabavki integrisanog Univerziteta u Sarajevu za 2022. godinu u dijelu Prirodno-matematički fakultet, broj: 02-26-2/22 od 13.10.2022. godine, Dekan Univerziteta u Sarajevu - Prirodno-matematički fakultet je pokrenuo pregovarački postupak bez objave obavještenja o nabavci za nabavku roba: LABORATORIJSKI NAMJEŠTAJ. Procijenjena vrijednost javne nabavke iznosi 210.000,00 KM bez PDV-a.

Nakon uspješno provedenog otvorenog postupka nabavke robe Laboratorijski namještaj i potpisivanja Ugovora o nabavci robe, broj: 01/01-793/27-2022 od 28.06.2022, Dobavljač „Hafele BH“ d.o.o. Gračanica je isti Ugovor raskinuo dana 27.09.2022. godine. Time je dovedeno u pitanje obavljanje osnovne djelatnosti Fakulteta, tj. realizacija laboratorijskih vježbi na Odjeku za hemiju i biologiju u akademskoj 2022/2023. godini, kao laboratorijskih vježbi za studente Farmaceutskog fakulteta. Sve navedeno ukazuje na to da je Fakultet blagovremeno pokrenuo i sproveo uspješno otvoreni postupak nabavke predmetne robe, da je predmet nabavke neophodan za obavljanje osnovne

djelatnosti Fakulteta, da ni u kojem slučaju prouzrokovani događaj nije mogao biti predviđen, niti se Fakultet može dovesti u vezu sa postupanjem Dobavljača, kao i da Fakultet ne snosi nikakvu odgovornost za postupanje Dobavljača, da je pokretanje nabavke krajnja hitnost prouzrokovana događajima nepredvidivim za ugovorni organ, te da je predmetna nabavka ove robe generacijski projekat za Fakultet i Univerzitet u Sarajevu. U skladu sa navedenim osnov za provođenje nabavke je član 21. stav (1) tačka d) ZJN.

U skladu sa navedenim i članom 28. stav (1) Zakona o javnim nabavkama BiH („Službeni glasnik BiH“, broj: 39/14) pregovarački postupak bez objave obavještenja o nabavci vodio se sa jednim ponuđačem, i to DIJAL-„M“ d.o.o. Sarajevo, koji se kao kvalificirani ponuđač u prethodno provedenom otvorenom postupku pozicionirao kao drugorangirani ponuđač nakon sprovedbe E-aukcije.

Za provođenje postupka predmetne javne nabavke, Odlukom broj: 01/01-2762/4-2021 od 18.10.2022. godine imenovana je Komisija za provođenje postupka javne nabavke.

Informacija o namjeri provođenja pregovaračkog postuka bez objave obavještenja o nabavci sa jednim ponuđačem „DIJAL „M“ d.o.o. Sarajevo, Zagrebačka 24/PR, 71000 Sarajevo, ID broj: 4200364940002 objavljena je na web stranici Fakulteta www.pmf.unsa.ba dana 18.10.2022. godine. R&S d.o.o. Sarajevo je 20.10.2022. godine uputio zahtjev za dostavljanje TD. Imenovanom je blagovremeno i uredno dostavljena tenederska dokumentacija 21.10.2022. godine putem E-mail-a.

Dana 18.10.2022. godine Fakultet je uputio Poziv za dostavljanje Zahtjeva za učestvovanje u pregovaračkom postupku bez objave Obavještenja o nabavci, ponuđaču iz člana I ove Odluke. U predviđenom roku, prethodno navedeni ponuđač dostavio je ponudu. Komisija je Zapisnikom o provedenom otvaranju Zahtjeva za učešće u pregovaračkom postupku bez objave Obavještenja o nabavci LABORATORIJSKI NAMJEŠTAJ, broj: 01/01-2762/9-2022 od 20.10.2022. godine nakon uvida u predmetnu ponudu konstatovala da pozvani kandidat „DIJAL „M“ d.o.o. Sarajevo, ispunjava sve kvalifikacione uslove.

U skladu sa prijedlogom Komisije, Dekan Fakulteta je donio Odluku o rezultatu postupka pretkvalifikacije u pregovaračkom postupku nabavke bez objave obavještenja o nabavci – I FAZA, broj: 01/01-2762/10-2021 od 21.10.2022. godine kandidata DIJAL-„M“ d.o.o. Sarajevo.

Nakon toga, Poziv za dostavljanje početne ponude u pregovaračkom postupku bez objave obavještenja o nabavci – LABORATORIJSKI NAMJEŠTAJ upućen je kvalifikovanom kandidatu „DIJAL „M“ d.o.o. Sarajevo sa pripadajućim Aneksima, predviđenom Pozivom u Fazi II POSTUPKA.

U predviđenom roku za dostavljanje ponuda, prethodno navedeni ponuđač dostavio je početnu ponudu. Komisija, nadležna za provođenje postupka javne nabavke, je izvršila pregled i ocjenu početne ponude i zaključila da je pristigla početna ponuda uredna i zadovoljava sve uslove tražene tenderskom dokumentacijom, te je s skladu s tim predloženo Dekanu da uputi Poziv za pregovaranje.

Nakon toga, Komisija je konstatovala da je Poziv za pregovaranje DIJAL – „M“ d.o.o. Sarajevo, putem E-maila, poslan 26.10.2022. godine. Pregovori sa jedinim kandidatom DIJAL-„M“ d.o.o. Sarajevo održani su 27.10.2022. godine u 1h u prostorijama Dekanata Fakulteta, o čemu je sačinjen Zapisnik sa pregovaranja, broj: 01/01-2762/16-2022 od 27.10.2022. godine, potpisan od strane Komisije i kandidata.

Nakon provedenih pregovora sa ponuđačem, Poziv za dostavljanje konačne ponude u pregovaračkom postupku bez objave obavještenja o nabavci-LABORATORIJSKI NAMJEŠTAJ sa aneksima, broj: 01/01- 2762/17-2022 od 27.10.2022. godine upućen je E-mailom kandidatu DIJAL- „M“ d.o.o. Sarajevo dana 27.10.2022. godine u skladu sa Pozivom u III Fazi POSTUPKA. U predviđenom roku za dostavljanje konačne ponude, prethodno navedeni ponuđač je dostavio konačnu ponudu.

U skladu sa navedenim, nakon pregleda i ocjene konačne ponude, Komisija za provođenje pregovaračkog postupka bez objave obavještenja o nabavci za robu – *Laboratorijski namještaj* ocjenila je da je konačna ponuda DIJAL-„M“ d.o.o Sarajevo prihvatljiva, prema obliku, sadržaju, cjelovitosti i ispunjenja zahtjeva u pogledu opisa predmeta nabavke i tehničke specifikacije i sačinila Zapisnik o pregledu i ocjeni konačne ponude, broj: 01/01-2762/20-2022 od 28.10.2022. godine.

Komisija za javnu nabavku je nakon ocjene kvalifikovanosti pozvanog kandidata, pregleda i ocjene početne ponude, obavljenih pregovora, pregleda i ocjene konačne ponude prihvatila ponudu, prema kriteriju iz Tenderske dokumentacije:

Redn i br.	Naziv i sjedište ponuđača	Ponuđeni popust	Ukupna cijena početne ponude
1.	„DIJAL-M“ d.o.o Sarajevo, Zagrebačka 24/PR, 71000 Sarajevo	0,00 KM	Cijena ponude bez PDV-a 209.033,00 KM 0% popust Ukupna cijena ponude sa uračunatim popustom bez PDV-a =209.033,00 KM PDV na cijenu ponude= 35.535,61 KM Ukupna cijena za ugovor 244.568,61 KM sa PDV-om

U postupku donošenja ove Odluke, posebno su cijenjene činjenice da je Komisija za nabavku blagovremeno i pravilno ocijenila kvalifikovanost kandidata, izvršila pregled i ocjenu početne ponude, pregovore sa kandidatom, kao i pregled i ocjenu konačne ponude, te sačinila preporuku i odgovarajuće zapisnike u svakoj fazi postupka. u skladu sa kriterijumom iz Tenderske dokumentacije za ovaj postupak.

U postupku ocjene provedenog postupka, Dekan Fakulteta, nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku. Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju, neosporno je da je izabrani ponuđač kompetentan, pouzdan i sposoban za izvršenje ugovora.

Shodno navedenom, Komisija za javne nabavke je prema utvrđenom kriteriju najniže cijene tehnički zadovoljavajuće ponude dala preporuku Dekanu Univerziteta u Sarajevu Prirodno-matematičkog fakulteta da se u predmetu nabavke roba: LABORATORIJSKI NAMJEŠTAJ donese Odluka o dodjeli ugovora ponuđaču DIJAL – “M” d.o.o. Sarajevo, čija cijena ponude iznosi 209.033,00 KM bez PDV-a.

Uzimajući u obzir naprijed navedeno, primjenom člana 28., člana 64. stav (1) tačka b), člana 70. st. (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu Komisije za nabavke ("Sluzbeni glasnik BiH" broj: 103/14), prihvaćena je preporuka Komisije za javnu nabavku i odlučeno je kao u dispozitivu ove Odluke.

Pouka o pravnom lijeku:

U skladu sa članom 99. i članom 101. stav (4) pod a) protiv ove Odluke može se izjaviti žalba, najkasnije u roku od deset (10) dana od dana objave dobrovoljnog ex ante obavještenja o transparentnosti. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.



Dostaviti:

- DIJAL – „M“ d.o.o. Sarajevo
- Dosije nabavki
- a/a